

Disputatio chemico-philosophica inauguralis de aëribus : quam, annuente summo numine : ex auctoritate reverendi admodum viri, D. Georgii Baird, SS.T.P. Academiae Edinburgenae Praefecti : necnon amplissimi senatus academicici consensu, et nobilissimae facultatis medicae decreto : pro gradu doctoratus, summisque in medicina honoribus ac privilegiis rite et legitime consequendis / eruditorum examini subjicit Petrus Murray, Jamaicensis, Societ. Natur. Rer. Studios Edin. Socius.

Contributors

Murray, Petrus, active 1802.
Baird, George Husband, 1761-1840.
University of Edinburgh.

Publication/Creation

Edinburgi : Excudebant Adamus Neill et Socii, 1802.

Persistent URL

<https://wellcomecollection.org/works/e4scveg9>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISPUTATIO CHEMICO-PHILOSOPHICA
INAUGURALIS
DE
A È R I B U S.

DISPUTATIO CHRMICO-SYLLOGICAY

IN VULGARIA

et

AERIBUS

DISPUTATIO CHEMICO-PHILOSOPHICA
INAUGURALIS

DE

A È R I B U S:

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, SS.T.P.

ACADEMIÆ EDINBURGENÆ PRÆFECTI;

NECNON

Amplissimi SENATUS ACADEMICI Consensu, et

Nobilissimæ FACULTATIS MEDICÆ Decreto;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

PETRUS MURRAY,

JAMAICENSIS:

SOCIET. NATUR. RER. STUDIOS. EDIN.


SOCIUS.

Ad diem 24. Junii, horâ locoque solitis.

EDINBURGI:

EXCUDEBANT ADAMUS NEILL ET SOCI.

1802.



Digitized by the Internet Archive
in 2020 with funding from
Wellcome Library

<https://archive.org/details/b31976827>

VIRO

SPECTATISSIMO,

MAXWELL GARTHSHORE, M.D.

SOCIET. REG. LOND. ET EDIN. SOCIO;

OB

PERITIAM IN ARTE MEDICA,

ET

BENEVOLENTIAM ET PIETATEM VITÆ,

PARITER INSIGNI;

PROPTER

BENEFICIA FERE INNUMERA,

ET

AMOREM PATERNUM,

IN SE COLLATA;

HANC DISSERTATIONEM DICATAM

VOLUIT

A U C T O R.

710

DISCUSSION

MCKEELI CARTHORPE M.D.

GOVT. R.R. CO., ST. LOUIS, MO.

10

АДДИЦИЯ КОКСИДЖЕЙ

11

ДЛЯ МЕДИЦИНСКОГО И ПРАВОВОГО

СЛОВАРЯ

12

АЛКОГОЛИЧЕСКАЯ ДИССЕРТАЦИЯ

13

МУНИКАТ МАКОМА

DISCUSSION

АНДЕ ДИССЕРТАЦИОННОЕ ДИССЕРТАЦИИ

14

АУТОР

I N D E X.

	PAG. I
Proemium, - - - - -	6
<i>DE GASE OXYGENIO,</i> - - - - -	6
De Aura Atmosphaerica, - - - - -	12
De Oxydo Nitroso, - - - - -	13
De Gase Muriatico, - - - - -	17
De Gase Muriatico Oxygenato, - - - - -	19
De Gase Fluorico, - - - - -	22
De Gase Sulphuroso, - - - - -	24
De Gase Carbonico, - - - - -	25
<i>DE GASE NITROGENIO,</i> - - - - -	28
De Gase Nitroso, - - - - -	33
De Gase Ammoniaco, - - - - -	36
<i>DE GASE HYDROGENIO,</i> - - - - -	38
De Gase Hydrogenio Nitrogenato, - - - - -	43
De Gase Hydrogenio Phosphorato, - - - - -	44
De Gase Hydrogenio Sulphurato, - - - - -	46
De Gase Hydrogenio Carbonato, - - - - -	48

DIS-

DISPUTATIO CHEMICO-PHILOSOPHICA
INAUGURALIS
DE
A È R I B U S.

P R O O E M I U M.

DE aërum nuper repertorum dotibus et historia, qui tantum imperio naturæ, et scientiæ hodiernæ addiderint, pauca tradere placet. Id libentiū fecerim, quia leges hujus Academiæ celeberrimæ, aliquid hujusmodi a discipulis ejus poscunt; non tamen sperans multum novi proferre, quippe, cui nova experimenta instituere et adducere, nec tempus nec copia fuerunt.

Imperio Naturæ hanc scientiam, accessionem recentem judicavi, quia veteres philosophi, licet multos aëres noxios cognoverint, tamen

A

utrùm

utrūm ab aliis singuli proprietatibus chemicis distincti essent, aut etiam formā aëreā semper manerent, ignorabant. Antiquitūs enim antro-
rum fodinarumque vapores lethiferos neverunt ; et antrum hujus generis, Neapoli vicinum, *Grotto del Cane* ab Italīs dictum, apud veteres et ho-
diernos multūm inclaruit.

Quidam ex chemicis seculi decimi septimi, proprietates, et vim resiliendi perpetuam, aërum quorundam, bene intellexisse videntur : sed in re tam obscura, illorum virorum sagacissimorum, qui aliquid novi repererint, aut viam reperiendi posteris patefecerint, nomina tantūm memorare ausim.

MAYOW, Anglus, circa annum millesimum sexcentesimum septuagesimum quartum salutis humanæ, partes componentes aëris communis, et usum in respirando, sanguine ab eo qualitates singulares accipiente, demonstrâsse videtur *.

Celeberrimus BOYLE, circa finem seculi ejusdem, fluidum aëreum vi resiliendi perpetuâ præditum,

* Tractatus Medico-physici quinque, No. 1. Oxon. 1674.

ditum, ex corporibus putrescentibus et liquoribus effervescentibus, elicuit *.

Postea, BROWNRIGG, medicus, alia observata congescit †; et ab his, atque suis, illustrissimus BLACK acidum carbonicum in lucem protulit.

Hoc inventum luculentum aliis eodem itinere proficiscentibus incitamentum dedit; et in hac re SCHEELE, PRIESTLEY, CAVENDISH, et multi alii, famam perennem sibi peperere.

Postremum LAVOISIER, Galliae decus, novam institutionem chemiae introduxit, Systema Pneumaticum quæ vulgo appellatur. Chemici insignissimi hujus sententiae jam accefferunt; et inventa nova quotidie aggeruntur.

Hinc, aërum horum doctrina res scitu dignissima evasit, et divisio nova, a tribus aliis Naturæ regnis clarè distincta, meritò existimari debet. Ideoque HOMIUS noster, in prælectionibus de re pharmaceutica, his nomen Regni Gasei ingeniosè indidit, et discipulis suis tractare seorsum consuevit. Cùm autem aërum illorum scientia nos-


* Boyle's Works, vol. iv. p. 236, et seq.

† Philosophical Transactions, vol. lv.

tra valdè imperfecta fit, et relationes suas inter sepe connectentes vix adhuc vel minimo scimus, optimum ordinandi modum invenire difficillimum est. Sed cùm scientia pneumatica longius sepe protulerit, et ad perfectionem propius accesserit, speramus hanc quartam divisionem Naturæ ab aliquo novo LINNÆO pulchrè dispositum et ordinatum iri.

In hac dissertatione, aëres compositos sub tribus simplicibus, *Oxygenio*, *Nitrogenio*, *Hydrogenio*-que instruxi, et singulos compositorum sub illo simplici, cui naturâ vel constitutione maximè cognatus videtur, disposui. De his aëribus igitur differere pergam, et gasa insigniora describere tentabo. Sed mihi tantum opus conaturo, præstat vocabulum *gas* prius explicare, et quo sensu in hoc opusculo saepius usurpandum invenietur.

Gas, fluidum aëreum, elasticum, est; in temperie mediâ [55°] atmosphæricâ, et barometrum pollices viginti novem premens, constanter aëriforme.



GAS OXYGENIUM.

Cum Nitrogenio.

Auram Atmosphæricam.

Oxydum Nitrosum.

Cum Base Muriatico.

Gas Muriaticum.

Gas Muriaticum Oxygenatum.

Cum Base Fluorico.

Gas Fluoricum.

Cum Sulphure.

Gas Sulphurosum.

Cum Carbone.

Gas Carbonicum.

GAS NITROGENIUM.

Cum Oxygenio.

Gas Nitrosum.

Cum Hydrogenio.

Gas Ammoniacum.

GAS

GAS HYDROGENIUM.

Cum Nitrogenio.

Gas Hydrogenium Nitrogenatum.

Cum Phosphoro.

Gas Hydrogenium Phosphoratum.

Cum Sulphure.

Gas Hydrogenium Sulphuratum.

Cum Carbone.

Gas Hydrogenium Carbonatum.

---<--->---

GAS OXYGENIUM.

Colorem et odorem ferè nullum habet ; si inhaleatur immistum, pulmones inflammatione afficit ; flammarum sustinet, et lucernæ ardoris fulgorem auget.

Hic aërum omnium longè princeps est, quippe ab illo animalia et vegetabilia aluntur, et decus atque vigorem ducunt. Ferè omnes naturæ partes,

DE AERIBUS.

7

partes, oxygenio, in forma solida, liquida, vel aërea, fœcundæ sunt ; et omnia pervadit.

Aliqui ex chemicis vetustioribus, hunc aërem quatenus certè noverunt : MAYOW, præfertim, aërem communem fluidum esse compositum perspexisse videtur : Sed proprietates pleniores aëris vitalis, haud tum cognitæ fuerunt. PRIESTLEY, SCHEELE, LAVOISIER, circa annum MDCCCLXXV, aërem quem a nigro *manganefio* elicuerunt animadvertisse, et vires clarissimas in respiratione et combustionē sustinenda, observare cœperunt.

Experimentis multis et ingeniosissimis, aërem communem ex duobus aliis constare LAVOISIER tandem exploravit, uno vitam et flammam prorsus extingueente, altero candelæ lumen animantiumque animam multò longius alere valente, quam aëri atmospherico contingere licuit.

Alio gase, Hydrogenio postea vocato, conjunctum, aërem vitalem, aquam constituere idem invenit, eundemque aciditatis et combustionis principium esse.

Proprietates insigniores aëris hujus philosophi diligentissimè indagaverunt, quarum hæ præcipuae sunt : Splendorem lucernæ multò longius et

et clariūs auget, quām aēr communis efficere potest; quædam corpora inflammabilia, ut phosphorum, exempli gratiā, calore et candore mirifico in hoc aëre comburuntur. Animalia in gase oxygenio multò diutius vivere possunt, quām in æqua portione aëris atmosphæricæ. Oxygenium transflucidum et sine colore est. Gravitas ejus specifica est 1.3562; pedis cubici pondus 593.32.

Aēr hicce à rebus compluribus comparari potest; ab argenti vel hydrargyri nitratibus, à manganeſii, plumbi, vel oxydis ſimilibus. Hæc acido fulphurico miscere, et poſtea calefacere, interdum neceſſe eſt. Oxygenium autem purissimum à potaffæ muriato oxygenato educi potest, quod retorto fictili comminutum calefieri oportet.

Oxygenium in aëre communi, viginti septem ex centum partibus, extat: in aqua octaginta quinque partes in centum facit.

Respirandi munus præcipuum, oxygenium in fanguinem ad transmittendum, videtur, quo calor generatur, et color miniaceus arteriarum sanguini additur.

Oxygenium

Oxygenium aciditatis principium et fons est ; omnia enim acida, ex basi aliqua vel materia fundamentali, cum oxygenio chemicè conjuncto, constant ; et ex differentia baseos uniuscujusque ab aliis, acida singula, naturâ et proprietatibus ab aliis differunt. Hæc acida porrò metallis, terris et alkalinis chemicè alligata, Sales (utì vocantur) Neutrales conficiunt, quorum usus in artibus variis est latissimus. Oxygenium ita fixum, et metallis diversis adjunctum, ponderi addit, sed simul splendori adimit. Singula autem Oxyda (utì appellantur), in proprietatibus valde discrepant, utpote à modo majori vel minori quo oxygenio imbuta sunt, pendentibus.

Ut combustio fiat, oxygenium adesse prorsùs necesse est ; nam combustio ex oxygenii absorptione, luminis et caloris emissione comitanti, omnino constat. In hoc processu, pars oxygenii à materia cremante absorbetur, quæ ex illo additionem ponderis accipit.

Oxygenium à plantarum foliis viridibus emititur, sub foliis calore et lumine.

Hujus aëris detectio summam spem inter medicos peperit oxygenium in multis morbis cu-

randis insigni utilitate fore, in phthisi præfertim. Hæc spes autem propè vana evasit ; nam licet complures oxygenii usu fructum speciosum perceperint, tamen morbi, brevi cessatione factâ, deinde reversi sunt. Hoc in phthisi præ cæteris enituit, ubi gafis quidem cujusvis potentia minimè tanta videretur, ut tubercula in pulmonibus omnino summoveat.

BEDDOES, medicus Anglicus, in hoc aërum usu plurimum omnium fecit, et in multis morbis eventus saluberrimos ex hac medela profitetur, in plerisque autem exemplorum morbos non tolli, tantum levare, videre est *.

Cum tamen levamen malorum ægri apud unumquemque medicum optimum, locum præcipuum tenere debet, si ab aliquo aëre adhibito, hoc levamen sperare liceat, in omni exemplo proculdubiò, usurpandus est.

Morbi, quibus BEDDOES oxygenium multum prodeesse invenit, sunt phthisis pulmonalis, asthma, scrophula, anasarca. In his, oxygenium purum interdum ægro dabatur ; saepius autem,

una


* BEDDOES on Factitious Airs, part iv.

una vel duæ partes oxygenii cum partibus quatuor aëris atmosphærici admixtæ, per horæ quadrantem inspiratae fuerunt, et sæpius indies repetitæ.

Theoria ingeniosa de causa morborum putridum, à BEDDOES, et aliis pneumaticis, jam exco-
gitata fuit. Acrimoniam, vel quamlibet affec-
tionem aliām, scorbuti causam proximam à me-
dicis habitam esse, à defectu oxygenii in corpo-
re, originem ducere tenent. Hoc indicari cre-
dunt ab ulceribus virulentis, et similibus ; à su-
doribus fœtidis, in scorbuto interdum apparenti-
bus ; et à debilitate summâ, quæ mala putrida
comitatur ; nam oxygenium, partium quibus
apponitur, actionem auget, et cùm inhaletur,
pulmonum inflammationem satis magnam creat :
omnia quæ, putredini, omnino adversa videntur.

Sanguis in malis putridis, magnam muta-
tionem subire videtur ; textura tenuior, et color
nigrior fiunt. Remedia, quæ scorbuticorum cu-
rationi plurimum inferviunt, ea sunt quæ oxy-
genii multum continent ; et hujus generis, sunt
olera recentia. Liquores ex hordeo fermentati,
ex eadem causa effectus fuos fructiferos, habere
possunt :

peſſunt: Acidum carbonicum diſſolvi poteſt, et oxygenium dimiſſum, à corpore abſorberi. Ab hac theoria, ad oxygenium in ſcorbuti curatione adhibendum, BEDDOES inducetus eſt, ſed haud multum, ut audivi, profecit.



OXYGENIUM CUM NITROGENIO

FORMAT

AURAM ATMOSPHERICAM.

Vitam et flammam alit, ſed minore vi, et brevius oxygenio. Cùm hæc, et aër nitroſus ſimul in unum veniunt, vapores rufi emituntur.

AERE oxygenio jam fuſiūs deſcripto, de aura communi, haud multa differenda reſtant: Cùm virtutes chemicas, ab oxygenio quod continent, plerasque deducat, definitionem chemicam, claram et diſtinctam, hujus aëris dare, diſſicillimum, imò fere impoſſibile eſt.

Aura

Aura Atmosphærica ex oxygenio, nitrogenio, et aëre carbonico, constat; in centum partibus, viginti septem oxygenii, septuaginta duo nitrogenii, unam acidi carbonici, habens. Ita neque combustionem, nec vitam animalium tam diu, nec tam fortiter, ac oxygenium, sustentare valet.

Aër hicce, hydrogenio commixtus, subitò grandi strepitu explodit. Gas nitrosum eidem aëri adjunctum, acidum nitrosum, cum fumo rubro, emittit. Animalia quibus vita erepta fuisse videtur, in aëres quosdam pestiferos priùs immersa, interdum ab interitu revocari possint, si auræ atmosphæricæ vel oxygenio admoveantur.

Aëris hujus gravitas specifica, secundum LAVOISIER, est 1.2308.



OXYGENIUM CUM NITROGENIO.

O X Y D U M N I T R O S U M.

Vitam et flamمام sustinet, tantulum solum.

Cum ab hominibus inhaletur, risu involuntario et voluptatis sensibus afficit; alios autem aliter. Gustus dulciter sapit.

Hoc

Hoc fluidum aëreum perquam singulare à PRIESTLEY * primùm repertum est; sed postea pleniùs et accuratiùs à Chemicorum Batavorum Societate quadam explorabatur, an. MDCCXCII †. Insignis autem proprietas ejus animalia inebriendi, DAVY Pneumatico, anno MDCCXCIX, tantùm innotuit ‡.

Comparari potest, ex carbonatis ammoniæ, solutione satura in acido nitrico diluto facta. Solutio ista, calore leni, ad siccitatem usque evaporetur, ammoniâ carbonatâ additâ cùm opus fuerit: sal, hoc modo comparatum, in vase vitro in balneo arenæ, intra gradum thermometri quingentesimum, postea distillandum est.

Gas inde genitum sub aqua colligi potest, et in horas pauxillas confistere liceat, priusquam usurpetur, ut fæcem, si qua sit, aut aliquid extranei deponere liceat.

Hic aér dotes sequentes possidet: Candela intùs lucet, sed ardore aliquantulò clariore: idem phosphoro,

* PRIESTLEY's Observations on Airs, &c. vol. ii. p. 54.

† Journal de Physique, 1793.

‡ DAVY on the Nitrous Oxide, p. 456.

phosphoro, carboni ligneo, sulphuri, et similibus, accidit. Cùm hydrogenium huic aëri immisceatur, et unà incendantur, explosio magna, ut fit in aëre atmosphærico, evenit.

Cùm ab homine inhaletur, ebrietatis speciem, per pulmones excitam, inducit; inhalans iste risu violento et involuntario succutitur; pulsus arteriarum crebrescunt, os rubore suffunditur, animus exhilaratur, et in quibusdam, sensus admodum grati esse feruntur; at hujus aëris effectus pro certo majores quam reverè sunt aliqui extulerunt. Vertiginis et stuporis genus, aëris inspirationem interdum sequitur. Si animalia aliquamdiu in hoc aëre immergantur, pereunt.

Oxydum Nitrosum è classe stimulantium diffusibilem esse, DAVY opinatur *; et in sytema corporis recipi, à sola dissolutione in sanguine venarum †. A multis experimentis quæ jam fecit, hoc quatenus verum videtur. Stimulus est certè generalis, potens, admodum singularis. Nec dubitari licet, aliquos languore et debilitate postquam

* DAVY on the Nitrous Oxide, p. 548, et seq.

† Idem, p. 374, et seq.

quam inhalâffent, illud affecisse. Semel tantùm, et tum parciùs, inspiravi; vertigine autem levi captus fui, et postea debilitate et somnulentia.

Mali effectus hujus aëris, in fœminas naturâ infirmiores, et in hypochondriacos*, indicare videntur, vires ejus stimulantes majores esse quâm corporis habitus isti, debiles et facilè solicitati, ferre valent.

E contra, porrò, cùm oxydum nitrosum à BEDDOES medico in cura morborum paralyticorum, ubi multa stimulantia priùs usitata, qualia sunt, cataplasmata, rubefacientia et fluidum electri, frustrà cesserunt, tam prosperè adhibitum fuerit, aliud documentum habemus, hunc aërem classi stimulantium rectè adjungi.

Oxydi nitrosi centum pollices cubici 50.1 grana pendunt †. Centum partes, 36.7 ex oxygenio, 63.3 ex nitrogenio, habent ‡.

Oxydum nitrosum, ut suprà diximus, in cura paralyticorum adhibitum fuit; et ab usu ejus, fructum insignem perceptum fuisse, Pneumatici tradunt.

OXGENIUM

* DAVY on the Nitrous Oxide, p. 537, et seq.

† Idem, p. 94.

‡ Idem, p. 100.

*OXYGENIUM CUM BASE MURIATICA.*

G A S M U R I A T I C U M.

Tactu aëris communis aut ammoniacæ, vaporem albidum opacum emittit. Aquâ frigidâ cito tissimè dissolvitur. Odor pungens, fapor acidus est. Acidum carbonicum absorbet.

CIRCA annum MDCCLXVI, CAVENDISH, dum experimenta in aërem inflammabilem instituto ordine confequebatur, hunc aërem ab cupro in acido marino soluto detexit, cuius naturam tunc temporis ignorabat, sed facilitatem quâ ab aqua absorberetur præcipuè miratus est *.

Aliquot annos postea, PRIESTLEY naturam et proprietates ejus plenè descripsit, acidum marinum sub aëris forma illum pronuncians †.

Ut obtineatur, acidum muriaticum calefacere necesse est, et gas super mercurio colligere: vel

C

murias

* Philosophical Transactions, vol. lvi.

† PRIESTLEY,

muriæ sodæ ab acido sulphurico decomponi potest.

Hic aëris odorem pungentissimum excitat: admodum causticus est. Cùm aërem atmosphæricum contingat, vapores densi albi emittuntur, ab aqua nimirùm orientes quæ in atmosphæra latet.

Aquæ celerrimè associatur, acidum efficiens.

Vitam et flammam brevi extinguit.

Cùm aëres ammoniaci et muriatici commisceantur, nubes alba statim colligitur.

Gravitas specifica hujus aëris est 1.750.

Acidi muriatici basis adhuc non reperta est. GIRTANNER eam sese detexisse credidit, quam hydrogenium putabat: Sed hoc nondum fidem certam et manifestam accepit.

Gas muriaticum laudibus celebratum est, quòd effluvia nosocomiorum putrescentia corrigat vel depellat *.

Acidum muriaticum, alkalinis, terris, et metallis adjunctum, muriates format, quarum plurimæ usibus humanis magnoperè inserviunt, et
in

* Encyclopedie Methodique, article *Chimie*, par Morveau.

in natura affatim inveniuntur. Harum omnium murias fodæ maximè abundat, fatis fossilis falias ingentes, in orbis partibus plurimis, compo-nens; et soluta salfuginem mari præbens.

* * * * *

OXYGENIUM CUM BASE MURIATICA.

GAS MURIATICUM OXYGENATUM.

Colores vegetabiles albescere facit. Metallorum plurima in hoc aëre flammâ splendidâ ardent. Flammam aliquandiu sustinet, sed languidam et rufam reddit. Ammoniam dissociat. In aqua solvitur. Odorem pungentem, colorem viride-fuscum, habet.

AER hicce à SCHEELE primùm repertus est, anno MDCCCLXXIV *: naturam ejus et proprietates, experimentis multis BERTHOLLET deinde accuratissimè scrutatus est †.

Comparari

* SCHEELE's Chemical Essays, p. 90, et seq.

† Journal de Physique, 1785.

Comparari potest, acido muriatico super oxydo manganesei nigro, distillando ; gas autem proveniens, super mercurio colligi debet. Porrò, si acidum muriaticum acido nitroso misceatur, acidum muriaticum oxygenatum primùm evolvetur, et mistura reliqua, acidum nitro-muriaticum est.

Hujus aëris qualitas princeps est, quod colores vegetabiles ei expositas omnino perdit ; albidos statim reddit, neque rubro nec fulvo priùs inficiens.

Metalla omnia, praeter mercurium, in hoc aëre sponte incenduntur ; quædam vividissimè ardent, et oxygenio superfluo ab gase acido derivato, in oxyda convertuntur, dum aér iste in acidum muriaticum redigitur.

Phosphorum, sulphur, et quædam alia combustibilia, in hoc aëre incenduntur.

Hic aér animalibus admodum lethalis est ; nihilominus candelæ lumen auget, priusquam extinguat.

Ammonia hoc aëre solvit : Oxygenium superabundans, hydrogenio ammoniæ associatur, et aquam format ; dum nitrogenium liberum dimititur,

mittitur, et acidum ipsum in muriaticum commune devertitur.

Gas muriaticum oxygenatum aquâ absorbetur. Odorem, porrò, pungentissimum habet.


Genus salium singulare, hujus acidi conjugatione cum metallis, terris, et alkalinis, constituitur, è quibus Murias Potassæ Oxygenatæ maximè prænitet, quæ varia miranda inflammabilibus et acido sulphurico commixtum exhibet.

Si mixturæ hujus et acidi sulphurici paululum aquæ superfundatur, decrepitatio fit, et scintillæ rufæ à liquoris superficie micare cernuntur. Num hæc vera inflammatio fit, dubitare licet ; nam quæ materia inflammabilis in mixtura latet, quæ à calore quem aqua acido sulphurico addita profert, incendi potest ? Chemici quidam opinati sunt, quod calor maximus ab acidi et aquæ mixtione ortus, particulis fluitantibus salis occurrat, et hæ calore disruptæ incandescant, et lumen tale pariant. Sed nullo modo certum est rem ita se habere. Benè constat, multa inflammabilia cum hoc sale mixta, acidi sulphurici additione ignescere : Si, igitur, cùm aqua mixturæ supradictæ addatur, aqua à sale difficietur,

diffocietur, hydrogenium liberetur, et inflammatio, ut in aliis inflammabilibus, deinde fiat, phænomena ista satis explicata videbuntur.

Acidi muriatici usum in vestibus albescendis BERTHOLLET primus proposuit *; ex quo tempore, ejus monitum plurimi diligenter et auctius fecuti sunt. In artibus istis utilitati summæ illud fore, jam spes affulxit.

Calcis oxymurias unà cum calcis sulphureto, alia dein, alia in macerationibus alternis, jam usu venerunt; a quibus lintea in vel ad decem dies, alba fiunt, ita ut hac methodo novâ, opera multum compendii acceperit †.



OXYGENIUM CUM BASE FLUORICA.

G A S F L U O R I C U M.

Odorem peculiarem habet; Terram filicis dif-
solvit.

ANNO

* Annales de Chimie, No. ii. & vi. BERTHOLLET on Bleaching, 8vo.

† HIGGINS on Bleaching. Lond. 1799.

ANNO MDCCCLXXI, SCHEELE, in *Fluore lapide* experimenta tentans *, hujus aëris naturam acidam observavit, et tantâ industriâ rem scrutatus est, ut à LAVOISIER penè omnia huic pertinencia investigâsse perhibetur †. Ante illum, quidem, MARGRAFF et DUX de LIANCOURT, in fluore experimentis plurimis perfectis, aciditatem ejus fermè confirmaverunt.

Abundanter extat in *fluatibus calcis*, à quibus elici potest, acido sulphurico infuso; et gas proveniens super mercurio colligi debet.

Hoc fluidum aëreum, virtutem singularem, terram filicis diffolvendi, et solutam sub forma aërea tenendi, habet. Proprietatem hanc egregiam, quæ discrimen manifestum inter hunc et aëres alios luculenter constituit, MARGRAFF, circa annum MDCCCLXVIII primus observavit.


Gas fluoricum, violarum syrupum etiam rube-facit. Ab aqua citissimè absorbetur, et acidum fluoricum facit.

Animalibus brevi vitam adimit, etflammam
extinguit.

* SCHEELE's Chemical Essays, p. 1. et seq.

† LAVOISIER's Elements by Ker, 4th edit. p. 312.

extinguit. Gravior est aëre communi. Basin ejus chemici nondum reperiérunt.



OXYGENIUM CUM SULPHURE.

G A S S U L P H U R O S U M.

Odorem sulphureum, saporem acidum, habet.

Aliquos colores cœruleos vegetabilium rube-facit.

PRIESTLEY hujus aëris repertor haberi potest, ut qui primus ejus proprietates et ortus arctè investigavit, et post eum, acido sulphurico chemici multi operam impenderunt.

Obtineri potest, acido sulphurico calefacto, vel eodem à quibusdam metallis dissociato; deinde super mercurio vel aqua colligere opus est. Ponderosus est, cum odore sulphureo pungenti. Vitæ et flammæ infestus; ab aqua forberi potest; glaciei conjungitur, et flectere cogit. Rubefacit, et quidem delet, quosdam colores vegetabilium cœruleos. Gas sulphurosum à frigore acerbissimo densari potest, et in statum liquidum redigi.

Acidi

Acidi sulphurici usus in complurimis artium multus est, in chemiâ præfertim. In medicina pro caustico externè adhibetur ; et internè, cùm dilutione tenue redditum fuerit, pro refrigerante et antiseptico.

Gravitas hujus aëris specifica est, 1.8856. Pes cubicus ponderis habet 824.98 gr.



OXYGENIUM CUM CARBONE.

GAS CARBONICUM.

Tincturam heliotropii rubefacit : aquam calcis præcipitat. Ponderosum est ; odore pungenti, sapore acido.

PROPRIETATES et natura hujus aëris ab illus-
trissimo BLACK, circiter annum MDCCLV, primùm
accuratiùs exploratæ sunt. Multos annos ante
eum, à BOYLE philosopho, repertus fuerat ; qui
cùm à creta effervescente obtinuisse, aëris defi-
nitioni suæ, eum congruere invenit, quippe per-
manenter elasticus et aëriformis erat, sed vitam
et flammam celerrimè extinguens *.

D

Res

* BOYLE's Works, vol. iv. p. 236.

Res in hoc statu, quodammodo, mansit, et hic aëris nomen *aëris fixi* adeptus est, ut ab illo, atmosphærām constituentē, distingueretur. Modus comparandi etiam pernotus erat; et remedio in morbis febrilibus adhibebatur. BLACK suprà laudatus, qui naturām acidam hujus aëris retegendo, et chemiæ pneumaticæ fundamenta pulcherrima jaciendo, famam perennem sibi meritò peperit, tractatum de experimentis suis in aëre carbonico, anno MDCCCLV edidit *.

Acidum sub forma aëris in natura abundanter extat, ut in metalli fodinis, antris, et locis similibus; et præsentiam ejus, infortunia dira quæ ibi, sæpè accidunt, satis superque demonstrant. A creta, lapide calcareo, et talibus, copiosissimè comparari potest, acido sulphurico infuso, quod calci chemicè fese adjungens, acidum carbonicum, aëris statu, liberum dimittit. Acidum carbonicum quoque obtainere licet, si carbonem ligneum in gase oxygenio comburamus.

Exiguam

* Essays and Observations, Physical and Literary,
8vo. Edin. vol. ii. p. 157, et seqq.

Exiguam partem, unam in centum, aëris atmosphærici, gas carbonicum efficit: et in corporibus complurimis naturæ quoque extat.

In fermentandi et respirationis opere et actione, gignitur.

Proprietates ejus insigniores sunt: Rubore clariori tinturam heliotropii afficit; saporem subacidum habet; colore caret; vita animalium hoc aëre subitò perit; candelæ quoque flamma statim extinguitur. Aquæ lentiùs conjungitur, aquam aëratam formans. Cùm aqua calcis huic aëri apponatur, calx alba tópiosa seorsum projectatur, quæ Calcis Carbonatæ nomen habet.

Gravitas specifica aëris carbonici est 1.8454; pedis cubici pondus 807.34 gr. Ex partibus centenis acidi carbonici, viginti octo ex carbone, septuaginta duo ex oxygenio constant.

Acidum hocce debilissimum est; affinitatis enim vis combinatrix ejus, ferè omni acido alii succumbit.

Acidi carbonici usus in morbis compluribus medendis, certissimè profuit: Haustus salini effervescentes, jamdiu inter omnes noti sunt; atque virtutes etiam eorum oriri ab aëre fixo quem continent,

continent, vulgo subintelligitur. Liquores hordeaci fermentati, ad scorbutum depellendum in navigationibus longis, summo beneficio fuerunt, et hoc, aëri carbonico foli qui inest attribui potest.

Aëris carbonici virtutes in carcinomate, promedela apud quosdam summis laudibus prædicantur; at è contrà, medici alii parùm aut nihil beneficii inde derivari invenerunt.

GAS NITROGENIUM.

Vitam et flamمام celerrimè extinguit. Ab acido nitrico forberi potest: cui colorem subrufum impertit. Aquâ calcis immixtum, nullum fit præcipitatum.

HUNC aërem Mayow novissè videtur, qui in eo plurima experimenta tentavit, vitam et flamمام extinguendi proprietatem ejus perspexit*, et

* Mayow, Tractatus primus, p. 108.

et porrò animantia in summo vase vitreo, cum aëre communi vitiato, impleto, citius expirare; quod a levitate majori particularum noxiarum accidere credidit *.

Circa annum MDCCLXXII, RUTHERFORD noster in hoc aëre experimenta quædam fecit, quem paravit, puram partem ab aëre communi abstracto hendo ope potassæ causticæ, etiamque candelam in vase aëris communis consumendo, quem aërem ab aëre fixo vel ullo alio longè discrepantem, demonstravit: compositumque ex phlogisto et aëre communi arbitratus est †.

Eodem ferè tempore, PRIESTLEY eundem aërem investigavit, et Aërem Phlogisticatum nominavit.

LAVOISIER postea, aërem communem ex duabus compositum reperit; aëremque phlogistica-
tum

* MAYOW, Tractatus primus, p. 124.

† RUTHERFORD de Aëre Mephitico, Edinburgi, 1772,
p. 5,—20.

‡ PRIESTLEY on Airs, vol. i. p. 177,—195.

tum (cui nomen Azotici indidit) tres partes ex quatuor in atmosphærico conficere *.

Hic aër noxiosus, *Nitrogenii* nomen adeptus est, utpote significacius; atque hoc utor ob eam causam, et ut vocabulum eodem modo quo garium simplicium cæterorum nomina, finiat.

Gas nitrogenium, et brevi candelam ardentem extinguendi, et animantia immersa necandi, vim habet. Multò levius aëre communi est; nec colorem nec saporem possidens.

Gravitas specifica est 1.1890. Pedis cubici pondus 520.17 grana invenitur.

Hic aër comparari potest, oxygenium ab aëre communi abstrahendo, ope sulphureti potassæ soluti, quo nitrogenium purum restat. Aliter, è carne musculari ab acido nitrico dissociata, haberi licet; cum nitrogenium sub forma aërea emittitur, et super aqua colligi potest.

Gas nitrogenium in natura abundat, ut partes septuaginta duo ex centum in aëre communi præbet. In vesicula natatoria cyprini, et forsan piscium quorundam aliorum, extat.

Nitrogenium

* LAVOISIER's Essays on Atmospheric Air, by HENRY.

Nitrogenium unum ex elementis necessariis rerum animantium format, conjunctum hydrogenio, carboni, et oxygenio. Inde in putrefactione, ex hydrogenio et nitrogenio inter se fœciantibus, ammonia efficitur. Nitrogenium quoque discriminem maximum inter animata et vegetabilia ponit; ab hoc enim naturam et proprietates peculiares sui generis, animata adipiscuntur. Quædam vegetabilia autem aliquid nitrogenii habent, in quo numero farinæ gluten, gummi elasticum, fæcula, et materiam ligneam, FOURCROY invenit: Hæc in acido nitrico macerata, plus nitrogenii quam pleraque rerum aliarum vegetabilium, remittunt *.

Nitrogenium acidi nitrici basis est, et ratione viginti unius partium in centum inest. Hydrogenio associatum, ammoniam facit; sed cum tantum misceatur, quod appellant Gas Hydrogenium Nitrogenatum, format. Nitrogenium sulphur dissolvit, et fluidum quoddam aëreum efficit, adhuc parum cognitum. Idem cum carbone, acidi *prussici* basis constituit.

Nitrogenium

* FOURCROY's Elements by THOMSON, vol. iii. p. 483.

Nitrogenium pro elemento simplice, adhuc habetur, licet GIRTANNER, compositum hydrogenii cum oxygenio, hoc ostendere conatus est *; sed nullus alias chemicus, fidem, experimentis, illi fecit, ita quidem verisimile est, aliquid erroris in GIRTANNER tentaminibus latuisse.

Si unquam revera demonstratum fuerit, nitrogenium ex his duobus constare, multa quae nunc obscura et perplexa sunt, rationem claram et luculentam accipient. Modus quo nitrogenium ingens in carne animali, ab alimentis communibus dignatur, clarius patebit: quo modo partes aquosae alimenti dissociatae, hydrogenium praebent, et oxygenium, non solum ab aqua, sed rebus etiam vegetabilium, quae tantum alimenti nostri faciunt, evolvitur.

Nitrogenium in cura aliquorum morborum, ab affectione spasmodica, vel irritabilitate nimis aucta, orientum, adhibitum est: quando aerem minus purum et minus stimulantem, utilem fore censetur; raro tamen, quia hydrogenium carbonatum loco ejus plerumque usurpatur.

NI.

* Philosophical Magazine, May 1800. Annales de Chimie, No. 99, 100.

*NITROGENIUM CUM OXYGENIO.*

G A S N I T R O S U M.

Oxygenio vel aëri communi adjunctum, vapores rufos emittit: colorem subviridem flammæ impertit, priusquam extinguat.

Hoc fluidum aëreum VAN HELMONTIO pro certo notum fuit, qui ex argento soluto ab acido nitroso id obtinuit, et nomen Gafis Sylvestris ei imposuit *.

MAYOW hunc aërem quoque memoravit, et quædam è proprietatibus ejus, novissime videtur †. Postea, HALES ingeniosus vestigia illius relegit, et aërem huncce è pyrite Waltoni et mercurio nitrato elicuit ‡. PRIESTLEY, circa annum salutis humanæ MDCCCLXXII, hunc aërem suo marte

E

ferè

* VAN HELMONTII *Ortus Medicinæ*.

† *Traictatus quinque Medico-Physici.* Oxon. 1674.
Traict. i. p. 138, et seqq.

‡ HALE'S *Statistical Essays*, vol. ii. p. 280, et seqq.—
Prospectus Medicinæ Pneumaticæ, GULIELMO WARD
auctore. Edin. 1800. p. 37.

ferè denuo reperit, et naturam propriaque ejus demonstravit*.

Aër hicce parari potest, acido nitrico a metallis, oleis, phosphoro, carbone ligneo, et inflammabilibus plurimis aliis, dissociato; et gas super aqua colligendum est.

Colore eget; odorem pungentem suffocantem habet, sed saporem nullam.

Cùm oxygenio vel aëre communi misceatur, vapores rufi evolvuntur, et acidum nitrosum formatur.

Aër nitrosus animalibus lethalis est, ignemque extinguit.

Gravitas specifica ejus est 1.4631. Pedis cubici pondus 640.09.

Aëris nitrofi compositionem, CAVENDISH sagax detexit, qui in tubum vitreum, septem partes aëris vitalis, et tres partes gafis nitrogenii immisit; deinde scintillâ electricâ transmissâ, hujus mixturæ quantitas multùm diminuta est, et in acidum nitrosum mutata; hinc deduxit argumenta acidum idem ex septem oxygenii, tribus partibus

* PRIESTLEY on Airs, vol. i. p. 328.

partibus nitrogenii, constare *. Multi chemici illustres hoc experimentum de novo instituerunt, et comprobarunt. Aëris nitrofi partes centum, oxygenii sexaginta octo, nitrogenii triginta duas, continent.

Composita acidi nitrofi et metallorum, terrarum, cæterorumque, multo usui in artibus et in medicina sunt. Ipsum acidum dilutum in artibus magnam utilitatem, et in re chirurgica, causticum, præbet.

In lue venerea bono fructu nuper administratum fuit. HOPE clarissimus noster, usum acidi cum mercurio sociante laudat, quod etiam in ascite cum beneficio multo dedit †.


Acidum nitrosum adhibitum est ad eruptiones quasdam cutaneas summovendas, tineam, exempli gratiâ, et herpetem, aquâ multùm extenuatum, quo partes ægræ frequenter lavantur.

SMITH, medicus Anglicus, gas nitrosum, anno MDCCXCVII, ad contagionem debellandum, prosperè usurpavit. Aër conclavis contagione infecti,

* Philosophical Transactions, vol. lxxiv.

† Clinical Lectures, 1801—2.

infecti, vaporibus nitri, acido sulphurico soluti, in poculis parvis super arena candente positis, imbutus erat. Hoc ter in die repetitum fuit *. In hoc opere, nitrum dissociatur; alkali ejus acido sulphurico additur; et acidum nitrosum, sub vaporis forma, liberatur.



NITROGENIUM CUM HYDROGENIO.

GAS AMMONIACUM.

Colores rufos et cœruleos vegetabilium, virides facit: glaciem solvit: odorem pungentem, et saporem acrem habet.

Hujus fluidi aërei, inventum primum PRIESTLEY debemus, qui anno MDCCCLXXII, experimenta compluria in ammonia fecit, et aërem perpetuò elasticum, ab alkalino volatili caustico, obtineri posse docuit, cui aëri nomen Gafis Ammoniaci indidit †.

Circa

* Vide A Treatise on the Destruction of Contagion by the Nitrous Acid, by JAMES CARMICHAEL SMITH, M.D. Lond. 1798.

† PRIESTLEY on Airs, vol. i. p. 163, et seqq.

Circa annum MDCCLXXXV, BERTHOLLET, experimentis multis ingeniosis, monstravit hunc falem hydrogenio et nitrogenio constare; et in hanc rem, disjunctionem celerrimam ammoniæ ab oxydis metallicis observando, primò inductus est *.

Hic aér, super mercurio, ammoniâ liquidâ calefactâ, parari potest; aut ab sale ammoniaco, cum calce viva permixto.

Proprietates hujus aëris sunt: Syrupum violarum viridem reddit; flammam et vitam animantium extinguit; facillimè aquâ absorbetur. Cùm glacies in hoc aëre ponatur, citò liquefcit.


Aér ammoniacus aliquanto levior atmosphærico est, quippe cujus gravitas specifica 0.73539 est. Centum partes ammoniæ, nitrogenii 80.7, hydrogenii 19.3 continent.

Crepitus violentus cùm oxydum auri ammoniatum à calore dissociatur, jamdiu pernotus est: detonatio argenti fulminantis violentior quoque est, et vel à tactu levi efficitur. Mercurius fulminans,

* Mém, de l'Acad. 1785.

minans, nuper repertus, hanc proprietatem detonantem admodum possidet *.

Gas ammoniacum in medicina aut in artibus nondum adhibitum est; sed ammonia, sub forma liquida vel solida, medici stimulante et aperiente validiori, usi sunt.



GAS HYDROGENIUM.

Aér inflammabilis; vitam etflammam extinguis. Cum ardore splendido, albido vel rufo, urit: odorem cepæ habet.

DOCTISSIMUS BOYLE vaporem inflammabilem in metalli carbonisque fodinis existere animadvertisit, ab operariis *Fire-damp* appellatum; qui interdum ignem concipiens, explosiones diras efficeret †.

Circa

* Philosophical Transactions, 1800, Part i. article HULME on Fulminating Mercury.

† BOYLE's Works, vol. iii. p. 101.

Circa annum MDCCXXXVI, JOANNES MAUD
aërem ex ferro, ab acido sulphurico soluto, eli-
cuit, quæ inflammabilis erat, et cuius proprie-
tates, aërem inflammabilem carbonis fodinarum
retulerunt, in quem experimenta quædam per-
egit; et aëre, in veficis collecto, Societati Regiæ
Londinensi palam ostendit *.

Quadraginta annis ferè elapsis, PRIESTLEY il-
lustris, multa in aërem inflammabilem tentamina
fecit, et scientiam de illo multùm auxit; ex quo
tempore, proprietates, coujunctiones, et usus in
natura, plurimi acriter investigaverunt.

Hic aër igni obnoxius, in metalli fodinis, car-
bonariis, et puteis, copiofissimè extat; in quibus
locis interdum candelis operantium incensus, di-
ras et sœpiissimè lethales explosiones edit.

Gas Hydrogenium parari potest, acido sulphu-
rico diluto in ferrum infundendo; aqua acidì
dissociatur, et hydrogenium ejus liberatur: vel
obtineri potest, aquâ per tubum ferreum canden-
tem transmisâ; aqua dissociatur, oxygenium
eius,

* Philosophical Transactions abridged, vol. ix. p. 396.

ejus ferrum adsciscit fibi, et aër alter demittitur.

Fluidum aëreum ita productum, levissimum est; colore eget, et odorem ingratum habet. A candela vel scintilla electrica incendi potest, et flammâ albidâ ardet. Citissimè animalia conficit. Si una pars hydrogenii et duæ aëris communis unà incendantur, explosio modica fit. Hæc causa est explosionum violentarum in carbonis fodinis interdum accidentium, ubi aër hydrogenium à communi multùm corrumpitur.

Gravitas specifica ejus est 0.094671; pes cubicus 41.41 grana pendit.

Gase hydrogenio combusto, aqua formatur, quod à ingenioso CAVENDISH, anno MDCCCLXXXI, primùm repertum est *. LAVOISIER †, anno MDCCCLXXXIII, aliqua experimenta admodum accurata fecit, quæ in aquæ centum partibus, hydrogenii quindecim, oxygenii octaginta quinque, extare docuerunt. Hydrogenium, oleorum, bituminum, et similiūm, basis est: quæ combusta,

* Philosophical Transactions, vol. lxxiv.

† Mém. de l'Acad.

ta, hydrogenium, cum acido carbonico et nitrogenio mixtum, edunt. Emittitur, quoque, plantis quibusdam, ut dictamnus albus, atmosphærâ quasi inflammabili plantam cingens, quæ tactu flammæ incendi potest.

Hydrogenium in ammonia extat, nitrogenio conjunctum. Aër iste, sulphur, carbonem et phosphorum dissolvit; ibidemque, gafa hydrogenia sulphurata, carbonata et phosphorata, format.

Fermentatio vinacea dissolutione aquæ oritur; cuius oxygenium carboni additur, acidum carbonicum efficiens, quod dimittitur, et alcohol ab hydrogenio reliquo carbonis et oxygenii portioni parvæ coniuncto formatur. Dum plantarum folia sub solis calore gas oxygenium redundunt, simul hydrogenium absorbent.

LAVOISIER, stratum quoddam aëris inflammabilis in atmosphæra summa existere credidit *, et chemici posteriores aliquantum hujus aëris cum oxygenio conjunctum, et ab scintilla electrica

F incensum,

* LAVOISIER's Elements, by KERR, p. 79. 4th edit.

incensum, tonitru efficere, et aquâ natâ, imbres dimittere, opinati sunt *.

Hydrogenium a materiis animalium putrefcentibus evolvitur, et nitrogenio chemicè associatum, ammoniam format, quæ semper putrefactioni adest.

Gas hydrogenium, aliquot annos antè, ad machinas aëronauticas implendas, à MONTGOLFIER repertas, adhibitum est, et ex levitate summâ usui huic optimè inserviit.

Hydrogenium purum inspiratum, pectus admodum opprimit, et sensum suffocationis ciet, vertigine interdum comitanti †. In usus medicos, ternâ vel quaternâ portione aëris atmosphærici redigere necesse est ; et in hoc modo, datum phthisi laborantibus, dolores sublevando et somnum suadendo, interdum profuit ‡.

HR.

* FOURCROY's Elements, by THOMSON, vol. ii. p. 142.

† DAVY on the Nitrous Oxide, p. 400.

‡ BEDDOES on Factitious Airs, Part i. p. 42.

*HYDROGENIUM CUM NITROGENIO.*

GAS HYDROGENIUM NITROGENATUM.

Difficillimè ardet, cum flamma cœrulea lambente. A paludibus sponte nascitur.

FONTES igniferi, uti vocantur, jamdiu innotuerunt, et magnam admirationem vulgi excitavere, licet philosophi nihil dubii habuerunt quin hæc phænomena aëri cuidam inflammabili super aqua volitanti debebantur. Hoc à VOLTA clarè demonstratum est, qui multa experimenta in hunc aërem peregit, et usque adeò processit, ut sclopétum aëre inflammabili implendum conferit, cui aëri nomen Aëris Inflammabilis Paludum dedit *.

FOURCROY et BERTHOLLET aërem istum attentionis investigarunt, et ex hydrogenio et nitrogenio tantum commixtis, non chemicè associatis, constare repererunt †.


In

* Lettres sur l'Air Inflammable des Marais, par ALEXANDRE VOLTA. Strasbourg, 1778.

† FOURCROY's Elements, vol. iii. p. 493.

In locis quibusdam paludofis satis abundat ; interdum in fontium superficie apparet, cui cùm candela incensa adhibetur, visio speciosa oritur ; quippe aér ardet, et flammæ in summa aqua ludunt. Tales fontes sunt, iste celeberrimus propè Cracoviam in Polonia ; in provincia Gallica Delphinensi ; et ad Brosely, in vicecomitatu Salopiæ.

Hic quoque in progressu putrefactionis formatur, et ex distillatione materiæ animalium variæ et diversæ haberi potest. Tardè uritur, flammâ cœruleâ lambente : et unà cum oxygenio, difficulter explodit, quippe aëris communis quantitatem suam duodecies auctam poscit, ad fragorem vel modicè grandem edendum.



HYDROGENIUM CUM PHOSPHORO.

GAS HYDROGENIUM PHOSPHORATUM.

Tactu aëris communis, inflammatur ; et coronæ formam induit, dum ardet, cum fœtore teterrimo.

GAS hocce singulare GENGBRE primus observavit, qui id, eodem ferè modo, quo hodie, confecutus

confecutus est ; scilicet, aliquanto phosphori in solutione potassæ causticæ, cocto, qua re, aqua dissociatur, et hydrogenium ejus, aliquantum phosphori solvendo, gas hydrogenium phosphoratum format, quod super mercurio colligendum est.

Aër hic, dotem insignem inflammationis spontaneæ habet, ad aëris communis vel oxygenii contactum. Hæc efficitur, à phosphoroflammam concipiente, et hydrogenio illam communicante. Dum combustio peragitur, circuli parvi vaporis albi, à gafe oriuntur.


Gas quod memoramus, animalibus lethum infert ; et fætorem olientissimum, piscium putrefcentium ei similem, edit.

Hic aër à piscibus putrefcentibus emitte-
tur, et huic quoque, ut verisimile est, fætorem, et
forsan phosphorescentiam suam, debent.

HULME, qui multa, in hac re, experimenta tentavit, pisces putrefcentes naturam lumino-
fam, perdere invenit, cùm misturâ frigorificâ,
circumdati effent * ; quod forsan à putrefendi
curfu,

* HULME. Philosophical Transactions, part i. 1820.

cursu, frigore impedito, orsum est; sed etiam in lumine cicindelarum extinguendo, hoc valere reperit, quod tantum alicui dissociationi materiae luminosae, attribui potest; et si ea materies, hydrogenium phosphoratum esse semel probata fuerit, nonne phosphori combustioni impeditae, calorici inopiam, debetur?



HYDROGENIUM CUM SULPHURE.

GAS HYDROGENIUM SULPHURATUM.

Odorem fœtidum habet: flammam cœruleam-rufam ardet.

HIC aër primum accuratè à BERGMAN obser-vabatur, qui proprietates ejus præcipuas demon-stravit, et nomen Aëris Hepatici dedit †.

Sub statu aëriformi extat in cœmeteriis, et latrinis neglectis. In aqua solutus, aquas ful-phureas creat; cuius generis sunt eæ ad Aquif-granum in Germania, Baregium et Montmorenciacum

† BERGMAN's Essays, vol. i. p. 285.

ciacum in Gallia, Harrogatenſes in Anglia, et Sancti Bernardi in Scotia.

Gas hydrogenium sulphuratum parari potest, sulphureto aliquo alkalino ab acido soluto; et aér super mercurio colligi debet. Multò gravius aëre communi est; odorem valdè fœtidum habet; et citò animalia letho dat. Cùm, corporis alicujus igniti tactu, inflammetur, ardore pallido-rufo cœruleo uritur. Res metallicas nigrescere, et contaminari facit. Contactu aëris atmosphærici dissociatur, et sulphur quod tenuerat solutum, deponit; nam secundum GENGBRE, sulphuris in hydrogenio tantùm solutio est.

Hoc fluidum aëreum medicinâ non adhuc usurpatum est; sed aquæ hunc tenentes, magnam æstimationem diu habuerunt; licet effectus forsan, famæ haudquaquam respondent: pro certo tam verisimile est, particulas sulphureas in tanta aqua subtilissimè divisas, vim et potentiam magnam afferre posse.

*HYDROGENIUM CUM CARBONE.***GAS HYDROGENIUM CARBONATUM.**

Ardet flammâ cœruleâ, cum scintillis rufis vel albis. Musculis animalium, colorem miniaceum impertit.

Hoc potius mixtura quam combinatio chemica carbonici cum hydrogenio, esse videtur; et parari potest, aquæ vapore calidæ super carbone ligneo candente, transmissio; ubi aqua quidem dissociatur, et hydrogenium parti alicui carbonis adjungitur, eoque fit hydrogenium carbonatum.

Hic aër odorem penetrantem et insuavem habet; flammâ cœruleâ ardet, et multò gravior hydrogenio est. Brevi vitam etflammam extinguit.

Hydrogenium carbonatum fundamen est oleorum et seyorum, quippe centum partes olei olivarum constant ex septuaginta novem carbonis et viginti unum hydrogenii.

In quibusdam exemplis, ubi cadaver sub aqua fluente relictum fuerit, nitrogenium dimittitur, hydrogenium

hydrogenium et carbo unà restant ; inde materies pinguis quædam è carne musculari cadaveris, sevum cete referens, formatur. Hoc quoque monstrari potest, carne musculari ab acido nitrico dissociatâ, quod nitrogenium dimittit è carne, et hydrogenium et carbo relinquuntur, et materiam oleaceam formant.

Aliquantulum oxygenii in oleis contineri apparet. Animalium fæces maximè è carbone constant, et distillatæ, multum olei præbent.

Fluidum aëreum quod CRUICKSHANKS nuper reperit, et Oxydum Gaseum Carbonis nominavit, hydrogenio carbonato fortassis affine est, et congeries oxygenii, carbonis et hydrogenii putatur. Paratur, ope caloris, ex oxydis metallicis cum carbone mistis, et flammâ cœruleâ lambente ardet ; aëre communi quoque aliquid gravius est. Varietas alia singularis hydrogenii carbonati, ex mistura trium partium acidi sulphurici et unius partis spiritus vini gignitur, quæ flamma cœruleâ lambente quoque ardet ; et dum uritur, guttæ olei formantur, et in lateribus vasis reftant.

Plantæ vivere et florere eximiè in gase hydrogenio carbonato videntur : hæc forsan est causa cur terræ stercoreationes, res putrescentes et animalium et vegetabilium, habentes, quæ tantum hujus aëris edunt, tantam fœcunditatem et ubertatem generi plantarum afferant *.

Hic aër animalibus admodum nocet : inspiratio ejus, effectus sedativos fortes edit, et vitam, brevi tempore, extinguit. Quando tamen multùm dilutum est, illum inspirare licet ; vertigo atque ægritudo sequuntur, et pulsus arteriarum, citi et debiles fiunt. DAVY hydrogenium carbonatum purum inspirare ausus est, quod effectus admodum terrificos excitavit ; vertiginem nempè magnam, suffocationis sensum, sentiendi defec-
tum, et similia †.

Hydrogenium carbonatum cum aëre communi multùm dilutum, in exemplis quibusdam inflam-
mationis, tussium, phthiseos, fructu adhibitum
fuit, et à vi sedativa irritationem auētam pulmo-
num

* DAVY on the Nitrous Oxide, p. 564.

† Idem, p. 468.

num in his minuere videtur. In hos usus dari debet, vicies vel trigefies aëris communis tanto addito *; et tum demum quidem cautissimè administrandum est; nam vel extenuatum, effectus in ægrum minime cupiendos, edidisse noscitur, præfertim cum uno tempore diu inspirari contingat.

* CAVALLO on the Medicinal Properties of Factitious Airs. London, 1798, p. 108.



risu si quis minorem aliquid
debet, aliisque acutius in aliis communione facio
-tib; et si quis minus debet, aliis
minimisque aliis; et si quis non debet, aliis
minus aliis, sive minus aliis, sive
minus, tamen cum si quis debet, aliis
contingat.

* CAVATE
ad q. 207. quod
vix. p. 207.